

Uunga siunnersuut: Qamutit motorillit akileraarutaat pillugit Inatsisartut inatsisaata allanngortinneqarnera pillugu Inatsisartut inatsisaat nr. XX, XX. XX 2014-imeersaq
(Snescooterit aamma entreprenørmaskiinat akileraaruserneqarnerat)

§ 1

Qamutit motorillit akileraarutaat pillugit Inatsisartut inatsisaat nr. 3, 16. juni 1987-imeersaq, ilaatigut Inatsisartut inatsisaatigut nr. 7, 11. november 2004-imeersuukkut, kingusinnerpaamillu Inatsisartut inatsisaatigut nr. 10, 3. december 2012-imeersuukkut allanngortinneqartoq imatut allannguuteqartinneqarpoq:

1. § 1, imm. 1 ima oqaasertaqassaaq:

”§ 1. Qamutit motorillit, snescooterit aamma entreprenørmaskiinat, Kalaallit Nunaanni aqqusinikut angallannermut inatsit naapertorlugu nalunaarsorneqartussaasut landskarsimut nakkartussamik akileraartassapput.”

2. § 2, imm. 1, ima oqaasertaqassaaq:

” § 2 Akileraarutit ukiumut angissuseqarput:

- 1) Qamutit motorillit 500 kg. tikillugit oqimaassusillit: kr. 1.800,
- 2) Qamutit motorillit 501 kg.-miit 1.000 kg. angullugit oqimaassusillit: kr. 6.554.
- 3) Qamutit motorillit 1.001 kg.-miit 1.200 kg. angullugit oqimaassusillit: kr. 10.049.
- 4) Qamutit motorillit 1.201 kg.-miit 1.500 kg. angullugit oqimaassusillit: kr. 10.747.
- 5) Qamutit motorillit 1.501 kg.-miit 1.800 kg. angullugit oqimaassusillit: kr. 15.231.
- 6) Qamutit motorillit 1.801 kg.-miit 2.000 kg. angullugit oqimaassusillit: kr. 17.575.
- 7) Qamutit motorillit entreprenørmaskiinallu 2.000 kg. qaangerlugit oqimaassusillit: kr. 19.876.
- 8) Motorcykelit: kr. 3.540.”

3. § 2 a, ima oqaasertaqassaaq:

§ 2 a. Snescooterit akileraarutaat ukiumut ilivitsumut 900 kr-iuvoq.

Imm. 2. Snescooterit qamutit motorillit nalunaarsorsimaffiannut nalunaarsorneqartut akileraarutaat ukiumut ataasiarluni akilernerqartassaaq. Akileraarutit 1. oktober akiligassanngortassapput, piffissaagallartillugu akiliiffissaq tassaalluni 1. november. Piffissaagallartillugu akiliiffissaq nalliuttuuppat arfininngornerulluniluunnit akiliiffissaq ulluinnarmut tullermut kinguartinneqassaaq.

Imm. 3 Nalunaarsuineq ukiup ingerlanerani pisimappat akileraarutit qaammatip nalunaarutiginnifiup tulliaata aallaqqaataani akiligassanngortassapput, piffissaagallartillugu akiliiffissaq tassaalluni qaammatip akiligassanngorfiup tulliaata aallaqqaataa.

Imm. 4 Akileraarutit piffissaagallartillugu akilernerqarsimanngippata akileraarutit 500 kr.-nik ilassuserneqassapput.

Imm. 5 Akileraarutit akilerneqareersimasut snescooterit qamutit motorillit nalunaarsorsimafiannut atorunnaartutut nalunaarutigineqarnerini utertinneqarsinnaanngillat.

§ 2

Imm. 1 Inatsisartut inatsisaat 1. juli 2014-imiit atuutilissaaq.

Imm. 2 Siunnersuummi nr. 2 siullermeerutaasumik atuutsinneqassaaq akileraarutitut piffissarititami 1. oktober 2014-imiit 31. marts 2015-ip tungaanut, 1. oktober 2014-imi akiligassanngortussanut.

Namminersorlutik Oqartussat, ulloq xx.xxx.xxxx

Aleqa Hammond